



Հ Ա Ղ Ո Ր Դ Ա Գ Ր Ո Ւ Թ Յ Ո Ւ Ն

Նորին Ս. Սծուքյուն Վազգեն Ա Հայրապետը հուլիսի 4-ից 20-ը եղավ Ստամբուլում: Նորին Սրբությունը հուլիսի 7-ին կատարեց վերջին օծումը հանգուցյալ Գարեգին Սրբազան Պատրիարքի և ապա, մինչև իր մեկնումը, սրբազան արարողություններով և կենդանի խոսքով մխիթարեց և օրհնեց բուր-
ֆահայ հավատացյալ ժողովրդին:

Հուլիսի 18-ին Վեհափառ Հայրապետը այցելեց Թուրքիայի Հանրապետու-
թյան Նախագահ գեներալ Զեմալ Գյուրսելին: Եղավ սիրալիր ընդունելություն:

Նորին Վեհափառությունը արտագին հանդիպումներ ունեցավ Հունաց Տիեզերական Պատրիարք Նորին Սրբություն Աթենագորասի հետ՝ առավել ամ-
րապնդելով դարավոր բարեկամական կապերը Բույր Եկեղեցիների միջև:

Վեհափառ Հայրապետը վերադարձին, հուլիսի 20—25-ին, այցելեց Վիեն-
նայի հայ համայնքին՝ իր օրհնությունները բաշխելով հավատացյալ ժողովուր-
դին: Հուլիսի 21-ին Նորին Ս. Սծուքյունը այցելեց Ավստրիայի վարչապետ
դոկտ. Գորբախին: Ընդունելությունը եղավ ջերմ:

Հուլիսի 22-ին Վեհափառ Հայրապետը Աբբահոր հրավերով հյուրը եղավ
Վիեննայի Մխիթարյան ուխտին և իր օրհնությունը տվեց միաբանության և
նրա կատարած ազգանվեր գործին:

Նորին Ս. Սծուքյուն Վազգեն Ա Կաթողիկոսը հուլիսի 27-ին իր շփամբով
վերադարձավ Ս. Էջմիածին:

ԴԻՎԱՆ ՄԱՅՐ ԱԹՈՌ ՍՈՒՐԲ ԷԶՄԻԱՇՆԻ

29 հուլիսի 1961 թ.

Ս. ԷԶՄԻԱՇՆԻ

